

Paerewa Paetae

Aronga Tikanga ā-lwi 3.8

Ingoa Te tātari i te panonitanga o ngā tikanga Māori

Kaupae 3

Whiwhinga 4

Aromatawai Ā-roto

Marau akoranga Te Marautanga o Aotearoa

Kokonga akoranga Tikanga ā-lwi

Mana rēhita Kua rēhitatia **Te rā i mana ai** 17 Whiringa-ā-rangi 2016

Te rā e arotakengia ai 31 Hakihea 2020 **Te rā i puta ai** 17 Whiringa-ā-rangi 2016

Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Matua

Te Whakaritenga Pāpori me te Ahurea

I roto i te whenu o Te Whakaritenga Pāpori me te Ahurea ka whakawhanake mōhiotanga te ākonga ki:

- *ngā motika, ngā tūranga me ngā haepapa o te tangata i a ia e pāhekoheko ana i waenga rōpū.*

Whāinga Paetae

Tikanga ā-lwi

8.2 *Ka whakaawe te āhua o te whakahou i ngā motika, ngā tūranga me ngā haepapa o te takitahi me te hāpori, ā, ka whakaawe anō hoki ngā motika, ngā tūranga me ngā haepapa o te takitahi me te hāpori i te āhua o te whakahou.*

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

Paetae Te tātari i te panonitanga o ngā tikanga Māori.	Hei tohu i te paetae: <ul style="list-style-type: none"> • Ka matapaki i te āhua o ngā tikanga Māori o mua, o āiane hoki, i roto i tētahi horopaki. • Ka matapaki i ngā take i whakarerekēhia ai ētahi tikanga. • Ka whakaputa whakaaro mō te āhua o ngā tikanga Māori o anamata, ka taunaki ai.
Kaiaka He kaiaka te tātari i te panonitanga o ngā tikanga Māori.	Hei tohu i te kaiaka: <ul style="list-style-type: none"> • Ka mātau te whakaputa whakaaro mō te āhua o ngā tikanga Māori o anamata. • Ka matapaki i ngā hua wā poto, hua wā roa o ngā panonitanga, ka āta taunaki ai.
Kairangi He kairangi te tātari i te panonitanga o ngā tikanga Māori.	Hei tohu i te kairangi: <ul style="list-style-type: none"> • Ka tino mātau te whakaputa whakaaro mō te āhua o ngā tikanga Māori o anamata, tae atu ki ngā āhua o roto, o waho hoki e whakarerekēhia ai ngā tikanga. • Ka matapaki i ngā hua whānui e puta mai i ngā panonitanga, me ngā urupare ka taea ki aua hua.

Kōrero Āpiti

1. E whai ake nei ngā whakamārama o ngā tino kupu, kīanga rānei:

te panonitanga o ngā tikanga Māori	Te rerekē haere o ngā kawenga, ngā haepapa, ngā tūranga tangata, ngā rawa, te pūtake me te mana o te tikanga Māori.
ngā hua wā poto me ngā hua wā roa	Hei tauira, ko: <ul style="list-style-type: none"> • te tōtara-wāhi-rua o te hapū, iwi rānei, i roto i tētahi kaupapa • te whairawa/rawakore rānei • te panonitanga o ngā tūranga tangata i runga i te marae • te kawenga atu o ngā tikanga Māori ki horopaki kē atu, hapori kē atu rānei • te whanaketanga o ngā tikanga hou e hāngai ana ki ngā āhuatanga o te ao hurihuri nei • te hekenga o te tangata ki wāhi/whenua kē atu • te whakawhanaketanga o te mātāuranga hou.
ngā hua whānui	Ngā hua ka whakaarohia, engari kāore tonu i āta kōrerotia. Tēnā pea he hua taiao, hua pāpori, hua ohaoha, hua hītori, hua matawhenua, hua tōrangapū, hua whaiaro rānei.
ka taunaki ai	Me rapu ngā kōrero tautoko i te horopaki e tika ana, e whai mana ana hoki ki te rōpū e kōrerotia ana, inarā ngā kōrero e pā ana ki ngā whakapono me ngā mātāpono o taua rōpū.

ka āta taunaki ai	<p>Ka whakamahi i ngā kōrero tautoko whānui hei taunaki i te whakatau whakaaro. Hei tauira, ko:</p> <ul style="list-style-type: none"> • te uiui tāngata • ngā tūhinga hītori • ngā pūrongo mohēni, nūpepa rānei • ngā raraunga • ngā waiata tawhito.
ka tino mātau te whakatau whakaaro	<p>He āta tuitui kōrero i runga i te aronga hou, i te aronga auaha, he tūhura i ngā pānga rehurehu, he whakamahi i ngā pūkenga whakaaro ikeike pērā i te whakahiato whakaaro.</p>
āhua o roto, o waho hoki	<p>Ngā āhuatanga nō roto mai, nō waho rānei i te ao Māori, e pā ana ki ngā tikanga Māori. Hei tauira:</p> <ul style="list-style-type: none"> • ngā kaupapa here/ture a te kāwanatanga, hei tauira, ngā ture mahi haumarū • ngā aronga ā-iwi • te nui/iti rānei o ngā rawa/rauemi • te matemate haeretanga o ngā kaumātua matatau ki ngā tikanga.
ngā urupare	<p>He urupare kaupare i ngā panonitanga, he urupare e taunga haere ai rānei te iwi ki aua panonitanga. Hei tauira:</p> <ul style="list-style-type: none"> • te haere ki ngā wānanga (kura reo, mau rākau, whatu wahakura) • te tuku i ngā tamariki ki ngā whare kōhungahunga • te whāngai a ngā tūpuna i ngā mokopuna • te whakahaere kaupapa whakatairanga, kaupapa whakawhitiwhiti kōrero, whakanui, pērā i ngā hui ahurei me ngā mahi rēhia a te iwi • te whakatūnga o ētahi rōpū Māori, māngai Māori rānei, hei tauira, ko Te Kaunihera Māori, te Manukau Urban Māori Authority (MUMA), ngā tūnga Māori ki ngā kaunihera ā-rohe, ki te whare pāremata hoki • te whakarite kaupapa atawhai, hei tauira, ko Whānau Ora, Parents as First Teachers (PAFT) • te whakatū papa kāinga • te mautohe/porotēhe, hei tauira, ngā hīkoi, ngā mahi toi, te mātākōrero, te mātātuhi.

Kuputaka:
mātākōrero
mātātuhi

oral literature
written literature

Tātari Kōunga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233